



南漢金石志

吳蘭修撰

本館據嶺南遺書  
本排印初編各叢  
書僅有此本

# 南漢金石志目錄

## 卷一

石版文 唐龍紀元年

廣州石識 南漢乾亨元年

古劍文 大有元年

康陵碑 光天元年

尊勝經石幢 乾和三年

白石秀林記 乾和三年

碧落洞天雲華御室記 乾和七年

瓊州乾亨寺鐘銘 乾和九年

東禪院銅鐘款 乾和九年

長慶禪院銅鐘款 乾和十五年

咸報寺銅鐘款 乾和十六年

雲門山匡真大師塔銘 大寶元年

寶林禪院銅鐘款 大寶二年

宴石山記 大寶二年

拓路記 大寶三年

修慧院鐘款 大寶三年

乾亨寺銅鐘款 大寶四字

昭州光孝寺銅佛識 大寶四年

卷二

鎮象塔記 大寶五年

西鐵塔記 大寶六年

長壽寺銅鐘款 大寶七年

匡聖宏明大師碑銘 大寶七年

東鐵塔記 大寶十年

懿陵碑 以下年代無考

天華宮石刻

瑞象記

碧虛觀碑  
韜真觀碑

南漢金石志  
目錄

# 南漢金石志卷一

嘉應 吳蘭修 石華撰

石版文。佚。

胡賓王劉氏興亡錄。高祖巖皇考。葬段氏。得石版。有篆文。曰隱台巖。因名其三子。司馬光通鑑考異。

蘭修按歐陽修五代史。南漢世家。劉龔。謙庶子也。母段氏。生龔於外舍。謙妻韋氏素妒。聞之怒。拔劍而出。命持龔至將殺之。及見而悸。劍輒墮地。良久曰。此非常兒也。後三日卒。殺段氏。養龔為己子。考

龔卒於大有十五年壬寅。晉天福七年。年五十四。由是推之。當生於唐昭宗龍紀元年己酉。即葬段氏之

年也。南漢金石以是託始云。

廣州石識。佚。

人人有一山山值牛。兔絲吞骨。蓋海承劉。宋史南漢世家。

廣南劉龔初開國。營構宮室。得石識。有古篆十六字。其文云云。解者曰。人人有一大人也。山山出也。值牛者。龔建漢國。歲在丑也。兔絲者。晟襲位。歲在卯也。吞骨者。殺諸弟也。越人以天水為趙。蓋海指皇朝。

國姓也。承劉者。受劉氏降也。吳處厚青箱雜記。

古劍文。佚。

丁興水同宮。王將耳口同。尹來居口上。山岫護重重。陳榷羅浮山志。

後唐天成中。僞漢欽州羅浮山民。掘得古劍。有篆文曰。己與水同宮。王將耳口同。尹來居水上。山岫護重重。以獻僞主劉陟。國人莫之辨。及平廣南。競傳其言。知者云。太宗以己亥年降誕。是己水同宮也。於文耳口王為聖。尹口為君。重山為出。蓋己亥年聖君出也。馬端臨文獻通考。

欽州羅浮山。本名安京。以形似惠州羅浮。故改。陳榷羅浮山志。作丁興水同宮。蓋太祖丁亥年生。長太宗十二歲。平嶺南。乃太祖之世。故以丁亥聖君出言。非己亥明矣。太宗繼體之君。安得以出言乎。榷所

志山。乃惠州羅浮也。黃佐嘉靖廣東通志。

康陵碑。佚。

翰林學士知制誥。正議大夫。尚書右丞。賜紫金魚袋。臣盧應奉。勅撰。

維大有十五年。歲次壬寅。四月甲寅朔。廿四日丁丑。高祖天皇帝。崩於正寢。越光天元年。五月癸未朔。

十四日丙申遷神於康陵禮也。

朱彝尊曝書亭集

崇禎丙子秋廣州城東二十里北亭洲田間有雷出地奮而成穴耕者梁某投以石空空有聲內一雄雞其中逾夜雞鳴無恙乃發之有金人如翁仲者數枚各重十五六觔有二金像冕而坐者筓翟如后妃者各重五六十觔地皆金蠶珠貝旁有鏡一光燭穴中寶硯一硯池中有玉魚能游泳他異物不可指識者甚衆梁攜歸光動四鄰鄰人覺而爭往遂白之官有司親臨發之隧道如城高五尺餘深三丈中有碑乃僞漢劉龔冢也文曰維大有十五年歲次壬寅四月甲寅朔廿四日丁丑高祖天皇帝崩於正寢越光天五年五月癸未朔十四日丙申遷神於康陵禮也文多闕不盡載翰林學士知制誥正議大夫尙書右丞賜紫金魚袋臣盧應初撰并書按光天乃龔子玠年號玠立僅二年爲弟晟所弑卽改光天二年爲應乾元年無光天五年又考十國春秋僞漢諸臣列傳止有盧膺仕龔爲工部侍郎晟時拜中書侍郎同平章事無應初名也

王士正皇

華紀聞

竹垞記劉龔冢碑事與王文簡皇華紀聞所載頗有錯互余抵粵訪諸官吏與土人間其所謂北亭者在番禺城東二十里許而劉龔之冢與碑則竟無知者蓋二先生亦皆非得自親睹所以傳寫或有訛失卽如竹垞所記係光天元年而文簡則疑光天無五年而所據載者乃作五年

廣語亦作元年

又盧應下文



簡所記是初字。廣語所記是勅字。俱無奉字。而竹垞所記則多一奉字。安知初字非即勅字之誤乎。竹垞稱陳元孝語予云云。則是竹垞既得自口傳。而元孝復出自記憶。無怪乎傳聞異詞矣。翁方綱粵東金石略

蘭修按曝書亭集。結銜稱尙書右丞。上紫金袋。廣語作尙書右丞相紫金袋。茲據皇華紀聞改正。餘見南漢紀二考異。

尊勝經石幢存。

□漢乾和三年。太歲乙巳。三月六日壬寅。□亡考陳十八郎。敬贖造。□□加。□佛頂尊勝陀羅尼幢一座。

追薦幽途。□□物。□并乞自身清吉。□□□長於羅浮。□□□禪院供養。設齋慶讚訖。拓本。經文不錄。

石幢在博羅羅浮山寶積寺門外。新修廣東通志。新通志。阮雲臺師相撰。以下所引。但稱廣東通志。

蘭修按右記三行。□漢至寅。□爲一行。亡考至物。□爲一行。并乞至讚訖爲一行。此據拓本。較通志多數字。通志作三月八日丙寅。考通鑑目錄。乾和三年。即晉開運二年。三月爲丁酉朔。則八日非丙寅。當作六日壬寅。今改正。幽途下一字。左半从古。第二字右半从吳。尙可省識。通志審爲胡悞二字。今從闕薦作薦。見漢魯峻石壁畫象。按薦省作獬廌字。聲義俱別。失六書假借之旨。易豫卦釋文正之是也。慶讚記。金石或作訖。此幢正作訖字。

白石秀林記。佚。

乾和三年歲次乙酉奉勅鑄石玉皇儀象侍衛九軀并修金籙齋慶讚記臣吳可一撰。王象之與地紀勝。

蘭修按右見輿地紀勝潯州下題云南海乾和白石秀林之記又云白石山在州南六十里下有巖峒卽白石洞天內有清真觀壽聖寺洞門自下入透容州句漏洞天世傳葛仙翁煉丹往來其間云案曹學佺廣西名勝志白石山在今桂平縣南六十里南海當作南漢乙酉當作乙巳齋上當有設字傳寫脫誤也。

碧落洞天雲華御室記。佚。

大漢享國之三十有三祀龍集己酉季冬冥開十四葉上以萬機有暇四海無波時屬祈寒節當冬狩九卿扈駕百司隨鑾□巡英州舍於閭石翼日排仙仗整翠華羽衛星羅旗幢雲布嶽靈警蹕風伯清塵上衣龍章絳袍曳鳳文翠綬佩流黃鑲金之劍御飛靈凌崖之輿幸茲盤龍石室者也伏惟大聖文武元德大明至道大廣孝皇帝陛下聖惟天縱功格帝堯味道探元奉真元之化端拱垂袞返淳朴之風百度惟貞九圍承式因訪清虛之景爰追汗漫之遊斯山之勝槩也得非元化與機巨靈運智丹臺瑤室眞爲上帝之居乳竇芝房宛是長生之境白犬吠而壺天晝永幽禽語而洞壑雲深神草含華元泉瀉瑞於是拂石牀而設御停玉輦以凝旒遂感龜鶴呈祥河宗效器俄頃有一道流衣短褐斂容而至自稱野人本無

姓名云昔時葛先生於此石室煉丹砂藥成息焰躡雲而舉令野人且伏火延神祕丹於靈府并云後五百載當有真人降此子宜以其還丹呈獻昨略算之起重光單闕之歲迄屠維作噩之年將四百九十祀果合金德主來幸驗真君之言明矣野人因匍匐而來上喜聞所陳問僊者靈丹何在野人曰咫尺耳遂捫蘿於峭壁中取出一小石函函上有金書古篆題九蛻

輿地紀勝作光

之丹四字內有神丹七粒大如黍粟光

影

輿地紀勝作彩

射人僊者開函取丹躬自持獻野人遽旋踵隱入石縫間罔知厥止時有近臣奏曰聖上德契

元微感茲靈異尙以兆民係念四海爲心雖獲還丹未宜輕服上然所奏遂屏左右迺召從臣吳懷恩捧丹隨御於石室深遠處鑿石祕之衆莫知矣擇日亟命道衆設壇場陳齋醮以申告謝靈貺由是龍顏開豁圓蓋舒情緩撫瑤琴弄流泉之激越親灑宸翰奮睿思之縱橫奏九成之簫韶烟霞縹緲咸百獸之率舞洞府喧闐羣后子來皆朝於禹會衆僊萃至競祝於堯齡微臣榮列紫垣獲隨鑾輅紀僊靈祕奧之事媿乏好辭頌聖朝煥赫之功慚無麗藻拜承綸旨伏積兢惶時乾和七載記

廣東文選

僞漢劉氏盤龍御室記乾和七年己酉歲中書舍人鍾允章譔劉氏來遊有道人稱野人云昔葛先生煉丹於此丹成輕舉俾予掌丹候五百歲有來者獻之今四百九十九祀乃捫蘿於峭壁中出一小石函上有金書古篆九光之丹四字中有丹七粒如黍粟大光彩射人既獻丹復入石壁縫間

輿地紀勝

碧落洞。在英州南十五里。懸石如霓旌羽蓋狀。傍有小洞。號雲華洞。深不可窮。同上。

蘭修按碧落洞。在今英德縣南十五里。石刻久佚。四百九十祀。紀勝作四百九十九祀。據文稱起重

光單闕之歲。迄屠維作噩之年。

爾雅。太歲在辛曰重光。在卯曰單闕。在巳曰屠維。在酉曰作噩。

由辛卯推至己酉。則四百九十九祀是也。

瓊州乾亨寺鐘銘。佚。

乾亨寺鐘。在開元寺。有南漢乾和九年鐘銘。輿地紀勝。

開元寺。即古乾亨寺也。在瓊山縣南橋內。曹學佺廣東名勝志。

東禪院銅鐘款。佚。

古銅鐘。在崇善縣。上刻大漢乾和四年辛亥鑄於東禪院。金銜廣西通志。

長慶禪院銅鐘款。存。

漢乾和十五年。歲次丁巳。十一月一日癸未朔。二十日壬寅。雲母山長慶禪院沙門神坦。普勸衆緣。鑄造

洪鐘一口。重八百斤。上資國祚。普及四恩。下濟三有。永充供養。拓本。

鐘在增城萬壽寺。舊志萬壽寺在縣南鳳凰山之東。此鐘款云雲母山長慶禪院。地志無此寺名。雲母山即雲母嶺。在城西二十里。今鐘在萬壽寺。不知移自何時矣。款既書朔。又書一日。俗僧所爲。不足論也。廣東通志。

蘭修按右長慶禪院鐘款。濟作濟。考北魏齊郡王祐造像記。廣濟爲功。正作濟。與北齊雋修羅碑作濟者。同一僞體也。

感報寺銅鐘款。未見。

維大漢乾和十六年。太歲戊午。閏六月庚辰朔。十六日己未。弟子萬華宮使。桂州管內招討使。特進行內侍。上柱國吳懷恩。鑄造鴻鐘一口。重五百斤。置於梧州雲蓋山感報寺。永充供養。上資當今皇帝。龍圖永固。聖壽萬春。謹記。謝啓昆廣西金石略。

右鐘在蒼梧縣光孝寺。高三尺。口徑一尺七寸。案十國春秋。吳懷恩。番禺人。內常侍。中宗卽位。進開府儀同三司。乾和中。爲西北面招討使。此鐘所載懷恩銜。十國春秋皆不之及。又乾和十六年。爲周世宗顯德五年。考薛史及通鑑。是年閏七月。此云閏六月。是南漢不奉正朔之證。同上。

蘭修按以庚辰朔推之。十六日當作乙未。殆拓本殘缺。視之未審也。

雲門山匡真大師塔銘

佚

匡真大師塔銘 御書院給事郎雷嶽撰

詳夫水月定形。覺浮生之可幻。火蓮發豔。知覺性之宜修。故妙果圓明。寂爾而不生不滅。真如常住。湛然而無去無來。祛其華則是色皆空。存其實則衆魔咸折。亦由山藏白玉。泥塗不能汙其珍。沼出青蓮。塵垢不能染其質者也。故匡真大師。業傳西裔。性達南宗。戒珠朗而慧日融光。覺海揚而慈霖普潤。示非法無法之說。若電翻輝。應真空不空之談。如鐘逐扣。以心惟清淨。道本慈悲。常挑智慧之燈。洞照昏衢之路。將使化周有截。終期證後無爲。故我釋迦如來。厭綺羅絲竹之音。痛生老病死之苦。踰金城而學道。依檀寺而修真。六載成功。萬法俱熟。爲四十九年慈父。演八萬四千法門。現百億化身。遍娑婆世界。說多多緣起。開種種導門。誓化迷淪。令超正覺。於時求法寶者。是諸沙數。得道果者。於意云何。小則證須陀洹斯陀舍。大則超阿羅漢辟支佛。卷舒自在。蓮花中藏十二音聲。變現無窮。芥子內納三千國土。爾後化緣將卒。示滅雙林。卽以法衣傳於迦葉。葉傳阿難。難傳商和。那修修傳優波。瓊多如此展轉相傳。俾令常住世不滅矣。洎至曹侯溪大圓滿至真起覺大師。是爲第三十三世祖。若祇認達磨禪師傳衣法。至於曹溪。則中華推爲第六祖焉。故西來智藥三藏駐錫曹溪云。一百七十年後。當有無上法寶。肉身菩薩。於曹溪興化。學道者如林。故號曹溪爲寶林。自祖師成等正覺後。現一百六十九口。

志作

生身菩薩。遍在諸方行化。爾後

得道莫知其數。皆曹溪之裔也。故匡真大師嗣於一葉焉。師諱文偃。姓張氏。晉王罔東曹參軍翰十三代孫也。翰知世將泯。見機休緣。徙於江洶。故厝及我祖。生於蘇州嘉興縣。師幼慕出塵。乃棲於嘉興空王寺。志澄律師下爲童。凡諸經無煩再閱。及長落髮。具足於常州壇。後侍澄公講數年。領家數。分指歸。乃辭澄。謁睦州道蹤禪師。則黃蘗之派也。一室常閉。四壁唯空。或復接人。無容佇思。師卷舒得志。徑往扣門。禪師問誰。師曰文偃。師關門云。頻頻來作什麼。師云學人已事不明。禪師曰。秦時轆轤鑽。以手推出閉門。師因是發明。又經數載。禪師以心機祕密。關鑰彌堅。知師終爲法海要津。定作禪天朗月。因語師云。吾非汝師。莫住。師遂入閩。纔登象骨。直奮鵬程。因造雪峯會三禮。欲施雪峯。乃云。何得到詰麼。師不移絲髮。重印全機。雖等截流。還同戴角。由是學徒千餘。凡聖莫審。師昏旭參問。寒燠屢遷。握衣惟切於虛心。得果冥輸於實腹。因有僧問雪峯云。如何是觸目不見道。運足焉知路。雪峯云。蒼天僧不明問師。師曰。三斤麻。一匹布。僧後問於峯。峯云。嘻。我常疑箇布衲師。於會裏密契元機。因是出會。遍謁諸山尊宿。頗有言句。世所聞知。後雪峯遷化。學徒乃問峯佛法付誰。峯云。遇松偃處住。學徒莫識其機。偃者蓋師名也。至今雪峯遺誠。不立尊宿。辛未禮於曹溪。旋謁靈樹。故知聖大師以心機相露。膠漆契情。歲在丁丑。知聖大師一日召師及學徒曰。吾若滅後。必遇無上人爲吾茶毘。至戊寅。高祖天皇大帝巡狩韶石。幸於靈樹。知聖遷化。果契前約。敕爲焚之。獲舍利塑形於方丈。於時詔師入見。特恩賜紫。次敕師於本州廳開堂。師於是踞知聖筵。說雪峯法。實謂禪河涵湧。佛日輝華。道俗數千。問答應響。郡守何公希範禮足曰。弟子請益。師曰。目前無異。

草有人問如何是本來心。師云：舉起分明，別有言句錄行於世。爾後大師心唯恬默，奏乞移菴，奉敕俞允。癸未，領學志開雲門山，五載功成，四周雲合，殿宇之簷楹翼翥，房廊之高下鱗差，遂壑幽泉，挫暑月而寒生；戶牖喬松修竹，冒香風而韻襟宮商，近於三十來秋，不減半千之衆。歲納他方之供，日豐香積之廚，有殊舍衛之城，何異靈山之會。院主師傅大德表奏造院畢功，敕賜光泰禪院額，及朱記。至戊戌歲，高祖天皇大帝詔師入闕，帝問如何是禪。師云：聖人有問，臣僧有對。帝曰：作麼生對。師云：請陛下鑒臣前語。帝悅云：知師孤戒，朕早欽敬。宣下授師左右街僧錄。師默而不對，復宣下。左右曰：此師修行，已知蹊徑，應不樂榮祿。乃詔曰：放師歸山可乎。師欣然，山呼萬歲。翌日，賜內帑香藥，施利鹽貨等迴山，并加號曰匡真。厥後每年頻降頒宣，繁不盡記。恭惟我當今大聖文武元德大明至道大廣孝皇帝，歲在單闕，運聖謨而手平內難，奮神武而力建中興，恩極八紘，道宏三教。乃詔師入內，經月供養，賜六銖衣一襲，香藥施利等而迴，并御製塔額，預賜爲寶光之塔瑞雲之院。師自從示衆，卓爾宗風，凡在應機，實當奇特。常一時見衆集久，乃云：汝若不會，三十年莫道不見老僧。時有三僧，一時出來禮足。師云：三人一狀，有問禪者，則云正好辨。有問道者，則云透出一宗。有問祖師意者，則云日裏看山。有纔跨門者，則以杖打之。有時示衆云：直下無事，早是埋沒也。迷緣不已，豈是徒然。略舉大綱，將裨往代。師以法無定相，學無准常。每修一□□

志作 用

酬二□□

志作

師一坐道場三十餘載，求法寶者雲來四表，得心印者葉散諸山，則知覺路程開，雙林果



滿諸漏已盡。萬法皆空。雖假臥譚。未少妨於參問。終云虛幻。乃示寂。以輶光侍者奉湯。師付盃子曰。第一是吾著便。第二是汝著便。記取修表。祝別皇王。乃自札遺誠曰。吾滅後。汝等弗可效俗教。著孝服。哭泣喪車之禮。則違佛制。有紊禪宗也。付法於白雲山實性大師。志摩師會下。已匡徒衆。已酉歲四月十日子時。師順世。嗚呼。慈舟壞兮。輪迴失渡。法山摧兮。飛走何依。緇倫感雍露之悲。檀信動式微之詠。宋雲遇處。但攜隻履以無還。慈氏來時。應召三峯而再出。月二十有五。諸山尊宿。具威儀。道俗千數。送師於浮圖。靈容如昔。依師訓。塔於當山方丈內。法齡七紀二。僧臘六旬六。於日行雲斂態。隴樹無春。覩嶽孤狷。啼助哀傷之苦。穿林幽鳥。聲添惜別之愁。弔客掩襟。佇立以泣。在會參學。小師守堅。始終荷贊。洞契無爲。門人淨本。大師常實等三十六人。知事。皆明佛性。雅得師宗也。在京弟子。報恩寺內供奉七十餘人。皆出自宮闈。素精道行。敕賜與師爲弟子。法經內僧錄六通。大師教中。大法師道聰。洞容本門。尤精外學也。嶽鏤冰藝薄。映雪功疎。自愧斐然。濫承厚辟。編成實性。紀彼貞珉。銘云。

師歸何處。超然寂然。愛河萬頃。涉若晴川。恩超四果。難降衆魔。迷則衆劫。悟則剎那。是色非色。真空則空。如水涵象。若燭隨風。雖云有佛。難窮於佛。如地有芽。逢春自出。菩提無種。覺花無子。妙果如成。有何生死。是法非法。恍惚難尋。無內無外。卽心傳心。劫名成灰兮。邱陵潛燬。大海爲田兮。人倫斯改。紀師實性兮。刻於貞珉。龍華會開兮。師蹤如在。

漢大寶元年歲次戊午十二月一日建。

乳源縣志

蘭修按右匡真大師塔銘見乳源縣志考曹溪六祖分爲二派曰青原思曰南嶽讓南嶽復分二派曰臨濟曰漚仰青原分三派曰曹洞曰法眼曰雲門是爲五宗文偃則雲門嫡嗣也是銘文辭清麗足與陳守中碑並稱惜諸書俱未著錄雷嶽十國春秋無傳結銜稱御書院給事郎亦百官表所未及也。

寶林禪院銅鐘款存。

本。拓  
粵維大寶二年太歲己未七月甲辰十九日壬戌樂昌黃蓮山寶林禪院住持長老明徽大師賜紫沙門義初召衆緣鑄造銅鐘壹口重肆伯斤勸首弟子給事郎守內侍省內府局令都監樂昌防遏諸都并監樂昌縣事賜紫金魚袋鄭敬贊以七月二十八日設齋慶讚永充供養奉敕鐫題黃蓮山銅鐘壹口官力

鐘高二尺四寸圍四尺口五尺紐高五寸圍二尺凡鑄金之文陽識易成陰款難鑄三代銅器用陰款秦漢則多用陽識此文乃是陰款尤爲難得。粵東金石略

右黃蓮山銅鐘題字凡四行文云云考韶州府志樂昌縣有寶林寺宋嘉祐三年僧圓祐建無所謂寶

林禪院者。至黃蓮山。則志乘失載。訪之樂昌人。亦尠能舉其名矣。續大昕潛研堂金石文跋尾

鐘在韶州新建文昌廟。粵東金石略云。此鐘不知何時移於韶州府學明倫堂。今又從明倫堂移來者也。奉敕鑄題以下十三字。字體天斜。疑與鐘款非一時所鑄。緣从豕。𠂔从門。皆別體字。廣東通志

蘭修按款云鐘壹口。重肆伯斤。考儀禮士冠禮。壹揖壹讓。疏一壹通用。漢書食貨志有伯阡之得。師

古注阡謂千錢。伯謂百錢。唐尉遲恭碑。米粟壹阡伍伯石。唐岱岳觀碑。年月用貳叁肆捌玖拾等字。

蓋古人偶爾假借。至唐時公牒多用之。觀此識及長壽寺大寶七年鐘款。重銅壹阡貳伯陸拾斤猶沿舊習也。禮

記節以壹惠。鄭注壹讀爲一。正義曰。經文爲大壹。鄭讀爲小一。今人稱壹貳字爲大。一二字爲小。其來久矣。

宴石山記。未見

新開宴石山記。□□容州管內都製置鹽鐵發運等務。並白州永資院點檢義勝等都□務□賜紫

金魚袋劉崇遠。蓋聞住非聲而去非色。無滅無生。視不見而聽不聞。有□有□。三空俄顯。一德爰彰。善

念必通。勤行可學。明明宗旨。歷歷程途。實有路以堪躋。□□門而可入。自是心源不透。智筏未征。達彼岸

以何由。湊元關而莫迫。崇遠自親禁掖。厚忝渥恩。凡覩靈蹤。悉虔俗志。冀精勤於一善。上報答於九重。宴

石山者。在白州博白縣之西鄉。與馬門灘伏波公之祠鄰近。圖經云。昔有神人稱陳越王。今有古宮基址。見在廉州合浦。□□曾宴於此山。故以爲名焉。其山也。西枕清波。南連翠□。曉則輕雲簇白。晝則遠樹攢青。石罅泉噴。點點而斜。飛皓雪。□□花秀。藁蒙而密。綴紅□。左紆右迴。前龜後鶴。蔬足果足。松寒竹寒。昔曾有人臨水。□□作佛像。約高五丈餘。未窮其年代者矣。□有壬向石室一所。唐咸通中。高相座□。統十道兵師。禦八蠻疆境。經行之際。於此口塑造佛像。今以□□崇遠。因監製運。遂切經營。乃命良工。闢爲精舍。一山迴疊。兩室相鄰。□是以黑金鑄釋迦瑞像。設於東室。又鑄釋迦牟尼佛一座。兼別鑄五百阿羅漢。□□羅漢設於西室。其次有石引廊齋堂僧房等。在於室外。請僧師肇道志。惟敏惟忠。住持焚修。□則飛章聞奏。皇澤爰頒。賜額號於□□。今爲覺果之禪院。□謂覺乃大覺之□。果乃勝果之門。覺與果齊。果因覺集。□□外。天鑿洞臨。致去石嵐。永爲勝地。又別有東峯石山一座。中有東西南北四室。鬼竅若畫。礪魄如鐫。直疑乎造化。剜開。又恐是神仙。斲出。多景多致。惟煙惟霞。亦以黑金鑄玉皇道君。老君。天地水三官。竝塑左空右元真人。玉童玉女。左右龍虎君。元中大法師。設於室內。卓爾威儀。森然侍衛。請道士廖德崇。劉守清。盧守和等。別建道院。住持焚修。以乾和十五年。丁巳歲。八月二十三日。起建。迄於大寶元年。戊午歲。十二月二十七日。畢功。建置道場。設齋慶讚。訖莫不青蓮金柱。如切利以初來。錦舌蒼肝。似藥珠而乍降。繇是命乎緇侶。招彼羽人。金爐曉炷。以粉醞。銀炬宵燃。而炫耀。用全因果。上贊休明。□來四海之朝宗。盡類衆星而拱極。功旣畢矣。願且周焉。可以齊嵩華之壑。可以並江河之永。靈基勝跡。萬古千秋。時



補百官表之闕。

拓路記存。

以大寶三年庚申歲月在仲冬開拓此路為畱題記拓本。

右拓路記其文云云凡三行二十字行書頗縱逸在潮州府西湖傍大石上金石家未有著錄者益都

李南澗知潮陽日赴郡游斯湖始見而拓之潛研堂金石文跋尾。

修慧院鐘款佚。

修慧院在東莞縣東監南漢大寶三年內承宣使劉廷威鑄鐘二百五十觔置院中後改慧雲寺廣州府志。

南漢大寶三年鐘永樂間為盜竊去粵東金石略。

乾亨寺銅鐘款未見。

維大漢大寶四年歲次辛酉九月辛酉朔二十五日乙酉鑄造銅鐘一口重一千五百斤於乾亨寺永充供養僧正大德崇愍都監大德行超監寺大德都維那僧楚彤住持從義楚澄縈然戒詮智暹知亮宏遇西頭供奉官都監賀州防拓應援等軍竝監賀州事徵仕郎守內侍省內府局令賜紫金魚袋梁廷康管甲指搆使全友誠劉處詳佐遷內承旨黃守鐔指搆使陳匡遠左雄勇指搆使都監賀州應援軍銀青光

祿大夫、檢校刑部尙書、兼御史大夫、上柱國郭達、西頭高品譚文定、西上閣門使副權錄事參軍梁延福、郭居弟子楊德威、廖師進、宋居訓、黃進、詹延達、鄧承潤、王廷猷、梁承選、蕭彥鏞、黃仁祚、李延亮、孟漢璿、劉意琅、黃少璘、陳延福、胡延舉、蕭彥湘、王景起、莫少宣、陳進清、孟漢達、孟意通、陳德用、姚宏雅、黃仁裕、虞從慶、王鄰、倫延綬、嚴匡演、楊燦、李常溫、廖延通、李延意、莫楷、虞才訓、女弟子蔣氏六娘、黃二娘、徐四娘、李十四娘、虞二十一娘、陳二娘、歐陽十八娘、陶五娘、李二十八娘、馮一娘、高品銀青光祿大夫、檢校國子祭酒、兼侍御史、柱國莫道贇、翰林口待詔、文林郎、試大理評事王師訓、衆緣應援軍十將盧法住、龐保定、楊僧、羅法寧、劉光美、李善能、楊象、封弩、陳令簡、鄧會、陳道情、梁雪、羅貴、楊道意、楊公海、覃廷儀、潘廷美、馮金、劉迢、何匡韻、龐葵兒、伍僧會、潘楚規、楊軍朗、梁瑤、盧嫩、龔硯、楊知、蘇蘊、黃延集、楊虔、吳探、龐奴、甯舍、梁彥通、梁幼、余戀、甯光、包郃兒、洗初、鍾添、唐勝、梁云慶、堯保成、劉史、乾亨寺住持僧宏遇、善儒、志寬、善慧、寺監寺大德緣集、法喜、正惠、禪院監院大德智堅、西山勝果寺監持大德惠長、寺主契真、仁王寺監寺大德善德、峽山寺大德從惠、審依、東南道靈化寺大德延浦、鑄造匠人梁道崇、顏位、鄧珠、書人區昱、鐫字匠人齊公延、齊公握、阮仁與、田從訓、衆緣弟子馬軍郭道崇、陳延嗣、何懷堅、李懷進、梁道崇、李廷真、區彥從、錢珣、唐緒、顏位、陳彥詳、防拓軍十將何肱、聶軻、王畋、成行、柔、阮敬芝、張利保、區珍、陳廷桂、李辛、宋從順、楊廷懿、蘇全志、植昌鑣、陳豐、陳癸、黎小錐、陳保得、吳甯收、區昱、鄧珣、楊延慶、凌孟益、羅敬文、黎匡、竟、黎崇徽、陳法善、梁觀音、林光嗣、禰慶衆、張僧養、林讓、梁匡錫、陳廷智、何佛養、陳延壽、梁保志、馮僧保、

李文叨、陳潘久、蘇亞、張料六、梁保綬、何廷泛、劉道誠、梁敬遷、梁度、嚴畱、梁光嗣、吳佛保、陳公遠、區延志、聶再隆、陳彥嵩、盧光志、王佛壽、劉韶、向延古、陳佛看、蘇保兒、蒙愛、梁延愛、梁和尚、莫宋、張佛、王老、徐嫩、植崇保、梁懷徹、盧延保、區紹、陳承鄴、黃知道、王期、陳師、黎佛念、鄧法護、洗光嗣、李張、盧郝、封善修、盧從蘊、陳思憲、女弟子、陳三娘、區四娘、宋九娘、李八娘、陳二娘、任八娘、簡十娘、王一娘、劉二娘、李九娘、廖二娘、趙十六娘、徐九娘、何一娘、陳一娘、左廂都押衙、知桂嶺縣事歐陽敬忠、右廂都押衙梁存忠、防城都押衙黃延靜、四界馬步都虞候、知馮乘縣事孟漢璫、馬步都虞候莫慶承、典議郎、守連山縣程崇珪、捕賊官陳子勳、虞承遠、馮令瑁、軍事孔目官、知寶城場務虞延慤、鼓鑄都甸孔目官、知富川縣梁珠、軍事押衙官、甸蕩山縣科敬、楊蘊、讀示孔目官鍾全美、應甸孔目官陳昌、鼓鑄孔目官鍾虔眇、曹都鍾仁、英州司孔目官虞保忠、陳承保、黃承晬、表奏孔目官費沆、虞仁贊、王廷規、虞仁祚、倉督廖仁亮、臨賀縣都行者壽、虞師岳、陳子璩、歐陽續、桂嶺縣都行者壽、李罕餘、富川縣都行者壽、王漢膺、董仁興、馮乘縣者壽、何仁富、蕩山縣者壽、黎霜層、寶城場行首賓華祚。

廣西金石略

右鐘在賀縣三乘寺，高四尺五寸，口徑二尺五寸，四面皆有款文，凡千餘字，其官位及僧徒稱謂亦足考一時之制，內多異姓，如洗慶植禰科賓之類，禰音喧，今南中尙有此姓，而洗或作洗，觀是鐘知其誤，自五代時已然，大寶辛未，爲宋太祖建隆二年，考史是年九月朔壬戌，此云辛酉，差一日也。

同上



蘭修按右鐘款職官三十七人。耆壽九人。衆緣一百七十三人。工匠八人。女子二十五人。僧二十二。人。職官梁延康等十國春秋無攷。結銜稱西頭供奉官。西頭高品。西上閣門使。副內承旨。御史大夫。侍御史。國子祭酒。翰林院待詔。大理評事。知縣事。知場務。都監。防拓。應援等軍。管甲指。攜使。錄事參軍。左廂都押衙。右廂都押衙。防城都押衙。軍事押衙官。馬步都虞候。軍事孔目官。都勾孔目官。應勾孔目官。鼓鑄孔目官。州司孔目官。表奏孔目官。讀示孔目官。捕賊官。倉督。皆十國春秋百官表所未載也。

昭州光孝寺銅佛識佚

銅佛識在昭州報恩光孝寺殿貯銅佛一軀。趺坐蓮花中。僞劉時所鑄。高一丈二尺。闊六尺。座高七尺。縱廣一丈。巨拇圍五寸。他稱之。金蘭寶障。皆銅所範。妙極精巧。後有識云。維大漢大寶四年與地紀勝。

蘭修按昭州今廣西平樂縣。嘉靖廣東通志云。光孝寺庫中有銅釋迦像一尊。高一丈。羅漢一十六尊。各高二丈。南漢大寶二年鑄。乃開元寺舊物云云。此廣州光孝寺也。其時銅佛所在有之。僭偽之朝。窮極物力。以邀福祚。而民怨自此深矣。悲夫。

南漢金石志卷二

鎮象塔記存。

以大寶□□□□□□月乙卯朔六日庚申□□□□□□面招討使行內侍監上柱國邵□□

已下不  
辨字數地

一段收

此下不  
辨字數

及諸寺院僧尼醵造佛頂尊勝□□尼□□

此下不  
辨字數

大白衣觀□□□薩尊□□

此下不  
辨字數

塔五層四面龕室裝嚴佛像又捨黑□□

此下不  
辨字數

老僧延嗣住持焚修伏以所崇妙善蓋□□□□□□□□

□羣象踏食百姓田禾累奉勅下老人採捕駢括入欄烹宰應瞻軍□□其帶甲披□□負耒之□□

□遺骸滯魄難超捨去□□

此下不  
可辨

良因免涉幽局之苦速承濟度永辭異類之徒

拓本  
文不錄經

鎮象塔在東莞南漢禹餘宮使邵廷瑁建

吳萊南海  
古蹟記

塔在廣州東莞資福寺紀年已泐粵東金石略題云大寶五年而黃佐廣州先賢傳云大寶七年始加  
廷瑁為東面招討使與五年之文不合攷大寶七年為遼應歷十四年遼史朔考是年至明年六月是  
月

邵廷瑁死。無乙卯朔。此記云乙卯朔。則五年無疑矣。又歐陽五代史南漢世家。建隆元年。大寶三年。張將邵廷瑁

言於張。則瑁之為將。已在五年以前。故塔建於五年。得題銜招討使。廣州先賢傳云七年始加者。誤也。

記中篆字。玉篇廣韻並無。惟見集韻。蓋當時鄉壁虛造之字。廣東通志。

西鐵塔記。存。

盧迦那佛。此東上面。

釋迦佛。此東下面。

玉清宮使德□□□宮使。開府儀同三□□內侍監□□國龔□□同女弟子□□□□□□。以大寶六年□□□亥。五月壬子朔□□□□鑄造□□□□。

入緣弟子內給事都監韶州梁□鄂。以上東面。

盧舍那佛。此南上面。

彌□佛。此南下面。

玉清宮使。德陵使。□□宮使。□府儀同三司。□內侍。□□國。□□同女弟子。□□三十二。□以大寶  
□□歲次癸□。五月壬子朔。□□辰造鑄。□□□□。

入緣弟子內給事都監。韶州梁延鄂。以上南面。

毗□□佛。此北上面。

藥師佛。此北下面。

玉清宮使。德陵使。龍□宮使。開府儀同三司。□內侍監。上柱國龔□□同女弟子。□氏三十二。□以大寶  
六年。歲次□亥。五月壬子朔。十七日□辰鑄造。永□□□。

入緣弟子內給事都監。□州梁延鄂。以上北面。

□□佛。此西上面。

彌勒佛。此西下面。

玉清宮使。德陵使。龍德宮使。開府儀同三司。行內侍監。上柱國龔澄樞。同女弟子鄧氏三十二娘。以大寶

六年歲次癸亥五月壬子朔十七日戊辰鑄造永充供養

入緣弟子內□□□□□□□□延鄂

□弟子劉軍□以上四面

拓本

右龔澄樞造鐵塔記塔在廣州光孝寺文凡七行世所傳者惟西一面文乾隆甲午夏益都李文藻素伯諦觀東南北三面鐵繡中隱現有字募人錐出搨之文皆與西面同而每行字數有多寡蓋非一范也素伯又爲文記塔之形製云塔自石趺以上高丈有九尺六寸石趺四重刻獅獸鐵趺四重一作瓦檐形二作龍戲三珠縮其地廉外爲四人首戴第三重如最屢狀三重亦刻花紋四重周作蓮花四面各闊四尺六寸爲瓣九中瓣刻紋於上自蓮花瓣以上凡七層以次而狹皆鑄佛像最上闊不過二尺又上爲蓮花頂每層大佛一衆小佛環之每面七層計二百五十佛四之則千佛矣下二層佛旁有字梯而視之第一層東曰釋迦佛西曰彌勒佛南曰彌陀佛北曰藥師佛藥師佛者釋家謂之功德佛其造塔者自况乎第二層東盧遮那佛南盧舍那佛西牟尼佛北毗舍浮佛它佛名皆刻佛左而此獨刻佛右塔頂似有字勢甚危不可梯也

潛研堂金石文跋尾

塔在廣州光孝寺之西院唐六典內侍省內侍四人從四品上新唐書百官志內侍省監二人從三品內侍四人從四品注云龍朔二年改監爲省天寶十三年置內侍監則唐自天寶後稱內侍監五代會

要。後唐同光元年，以左監門衛將軍判內侍省李紹宏兼內局，則後唐已復稱省。南漢承唐梁之制，內侍省有監。

內侍監者，內侍省官之長。省者其寺署。監者其官也。與唐書百官志稱官司之別曰監者不同。又東莞鎮象塔，鄧廷珣題銜，稱行內侍監，亦可為有監之一證。

有內侍。

乾和十六年，感報寺鐘款載桂州管内招討使特進

行內侍上柱國吳懷恩是也。

而未嘗稱其官為內侍省。

大寶四年，乾亨寺鐘款有云：守內侍省內府局令賜紫金魚袋梁廷康。此省中之屬官。百官志內侍省其屬六局，五曰內府是也。非以省為官名。

當以

此塔題銜為據。宋史通鑑及十國春秋稱澄樞為內侍省，並誤也。又舊唐書職官志武德令職事解散，官欠一階不至為兼職事卑者不解散官，貞觀令以職事高者為守職事卑者為行，仍各帶散位，其欠

一階依舊為兼與當階者皆解散官，則澄樞初以知承宣院兼內侍監。

宋史十國春秋並作者。

後又以開府儀同三

司行內侍監，傳乃誤監為省。又漏其後一官，并略其勳上柱國耳。又載入緣弟子梁延鄂，史傳無攷，其題銜稱內給事都監。按六典百官志內給事從五品，無都監之名。十國春秋百官表亦不載。當據此以補其缺。塔頂為蓮花形，無字。李文藻之言，肫說也。

廣東通志。

宋史澄樞傳，無玉清宮使、十國春秋無行內侍監。上柱國西鐵塔銘，無特進及萬華宮使驃騎大將軍、上將軍、左龍虎軍觀軍容使、內太師、武昌縣開國男、食邑三百戶等銜。陳守忠雲門山碑，亦無諸將軍及內太師銜。塔款作於大寶六年五月，雲門山碑作於大寶七年四月，碑題銜與塔款同，止多封爵食

邑知爵邑之賜。在六年五月後。七年四月前。而授諸軍官銜。及進太師。則在七年四月以後矣。

梁廷相南漢書考異

長壽寺銅鐘款。存。

大漢皇帝維大寶七年。歲次甲子。正月一日戊寅。鑄造洪鐘一口。重銅壹阡貳伯陸拾斤。於長壽寺永充供養。其鐘元在長壽寺。至今戊辰歲四月八日。却移於法明寺永充供養。都維那僧惟省。直歲僧法光。典座僧令恩。上座文昌。拓本。

鐘在曲江南華寺。蓋自法明寺移至者也。據宋開寶九年款。法明寺當在廣州。然今不可攷矣。長壽寺。

即今六榕寺。戊辰。大寶十一年也。

廣東通志

匡聖宏明大師碑銘。存。

大漢韶州雲門山大覺禪寺大慈雲匡聖宏明大師碑銘。井序。

西御院使集賢殿學士御前承旨。太中

大夫。行左諫議大夫。知太僕寺事。上柱國。賜紫金魚袋。臣陳守中奉敕撰。

原夫真空無相。劫火銷而性相何來。妙法有緣。元氣剖而因緣何起。造化莫能為關鍵。元黃不可為種根。乱乎十号之尊。出彼三祇之劫。增莫知而滅寧覩。詎究始終。望不見而名無言。孰明去住。不有中有。不空中空。匪動匪搖。常寂常樂。拘留孫之過去。釋種圓明。毗婆尸之下生。元符合契。繇是修行道著。相好業成。爰受記於定光。適度人於摩揭。自是一音演說。二諦宏宣。開八萬法門。化三千世界。大乘六而小乘九。慧

業難基。欲界四而色界三。昏波易染。所以興行六度。接引四生。求真者覓洗六塵。修果者咸超十地。盡使昏衢之內。俱萌捨筏之心。大磨人天。俾居淨土。其後衣纏白氎。屣脫金沙。示無住之身。現有終之理。於是迦葉結集。阿難證真。遞付心珠。住持法藏。象教遠流於千寶。覺花遍滿於十方。馬鳴興護法之功。龍樹顯降魔之力。師師相受。法法相承。大化無窮。不可思議。而自我祖承運。明帝御乾符。聖夢以西來。圖粹容而東化。金言玉偈。摩騰行首。譯之文。鹿苑雞林。佛朔遂身遊之化。迨於魏晉。迄至隋唐。達理者甚多。得道者非少。其如歷帝歷代。有廢有興。未若當今聖明。欽崇教相者也。伏惟睿聖文武。隆德高明。宏道大光。孝皇帝陛下。德參覆載。道合照臨。叶九五之龍飛。應一千之鳳。麻承帝譽。有堯之慶。鴻業教興。體下武斷。文之基。聖功崛起。每念八紘紛擾。九土艱虞。耀干戈。弧矢以宣威。救生靈。塗炭用文物。聲明而闡教。致寰宇雍熙。櫛沐忘勞。鑿大禹之所未鑿。造化不測。開巨靈之所未開。慶雲呈而甘露垂。嘉穀生而芝草出。其於儒也。則石渠金馬。刊定古今。八索九丘。洞窮淵奧。其於道也。則探元抱朴。得太上之妙門。寶籙靈符。授虛皇之祕訣。於機暇。既崇於儒道。注宸衷。復重於佛僧。是以奉三寶於虛空。福萬民於寰宇。紺宮金剎。在處增修。白足黃頭。聯辰受供。而乃頻彰瑞感。顯應昌期。矧以韶石奧區。漕溪勝地。昔西來智藥三藏。駐錫於漕溪。曰一百七十年後。當有無上法寶。肉身菩薩。於此興化。學道者如林。故號漕溪曰寶林也。二十八祖之心印。達磨東傳。三十三代之法衣。祖師南授。自六祖大師登正果之後。所謂學者如林。天下高僧無不臻湊者矣。大慈雲匡聖宏明大師者。則別穎一枝也。大師澄真不渾。定性自然。馳記勃之高名。躡迦維之密



行。惠燈呈耀。智劍發矧。六根淨而五眼清。不染不著。四果證而三明明。自悟自修。啓禪門而定水泓澄。搜律藏而戒珠瑩徹。水上之蓮花千葉。清淨芬芳。空中之桂魄一輪。孤高皎潔。機無細而不應。道有請而必行。固得百福莊嚴。萬行圓滿。盡諸有漏。達彼無爲。大師諱文。姓張氏。吳越蘇州嘉興人也。生而聰敏。幼足

神風。不雜時流。自高釋性。纔逾卯歲。便慕出家。乃受業於嘉興空王寺律師志澄。下爲上足。披經擇偈。一覽無遺。勤苦而成。依年具尸羅於常州戒壇。初習小乘。次通中道。因聞睦州道蹤禪師。關鑰高險。往而謁之。來去數月。忽一日。禪師發問曰。頻頻來作什麼。對曰。學人已事不明。禪師以手推出云。秦時轆轤師。因是發明微而有理。經數載。策杖入閩。造於雪峯會下。三禮之後。雪峯和尚頗形器重之色。是時千人學業。四衆咸歸。肅穆之中。凡聖莫測。師朝昏參問。寒燠屢遷。昂鶴態於羣流。閉禪扉於方寸。因有僧問雪峯曰。如何是觸目不見道。運足焉知路。雪峯曰。吽。其僧不明。舉問師此意如何。師曰。兩斤麻。一匹布。僧又不明。復問何義。師曰。更奉三尺竹。僧後聞於雪峯。峯曰。噫。我常疑箇布衲。其後頗有言句。繁而不書。乃於衆中密有傳授。因是出會游訪諸山。後雪峯遷化。學徒問曰。和尚佛法付誰。峯曰。遇松偃處住。學徒莫測。偃者則師之法号也。遺誠至今。雪峯不立尊宿。辛未。屆於漕溪。旋謁靈樹。故知聖大師加敏。以識心相見。靜長老。本略同。儔侶接延。僅逾八載。丁丑。知聖忽一日召師。及學徒語曰。吾若滅後。必遇無上人爲吾茶毗。及戊寅歲。知聖大師順寂。恰遇高祖天皇大帝駕幸韶陽。至於靈樹。勅爲焚爇。果契前言也。師是時奉詔對敬。

便令說法。授以章服。次年又賜於本州爲軍民開堂。師據知聖筵。說雪峯法。牧守何希範禮足曰。弟子請益。師曰。目前無異草。是日問禪者接踵。其對答備傳於世。師尙後倦於延接。志在幽清。奏乞移庵。帝命俞允。癸未。領衆開雲門山。構創梵宮。數齋而畢。莫不因高就遠。審地爲基。層軒邃宇而湧成。花界金繩而化出。曉霞伍覆。絳帷微攏於雕楹。夕露散垂。珠網輕籠於碧瓦。匝匝盡奇峯秀嶺。逶迤皆潑黛堆藍。泉幽而聲激珠璣。松老而勢擎空碧。由是裝嚴寶相。合雜香廚。摳衣者歲溢千人。擁錫者雲羅四表。菴羅衛之林畔。景象無殊。耆閣崛之山中。規模匪異。院主師傳表奏。造院畢功。勅賜額曰光泰禪院。至戊戌歲。高祖天皇帝。詔師入闕。朝對有容。因宣問曰。作麼生是本來心。師曰。舉起分明。帝知師洞韞元機。益加欽敬。其日欲授師左右街大僧錄。遂讓再三而免。翊日賜師號曰匡真大師。延駐浹旬。賜內帑銀絹香藥。遣迴本院。厥後常注宸衷。頻加賜賚。尋伏遇中宗文武光聖明孝皇帝。續承鴻業。廣布皇風。廓靜九圍。常敬三寶。復降詔旨。命師入於內殿。供養月餘。仍賜六銖衣錢絹香藥等。却旋武水。并預賜塔院額曰瑞雲之院。寶光之塔。師禪河浩淼。聞必驚人。有問禪者。則云正好辨。有問道者。則云透出一字。有問祖師意者。則云日裏看山。凡所接對言機。大約如此。了義元遠。法藏幽微。化席一興。歲華三紀。師於生滅處。在色空中。來若鳳儀。作僧中之異瑞。去同蟬蛻。爲天外之浮雲。於屠維作噩之歲。四月十日。寢膳微爽。動止無妨。忽謂諸學徒曰。來去是常。吾當行。□□命侍者奉湯。師付湯椀於侍者曰。第一是吾著便。第二是汝著便。亟令修表告別君王。乃自札遺誠曰。吾滅後。不得數俗著孝衣哭泣備喪車之禮。則違我□□也。付法於白雲山。

實性大師志庠。其日子時。瞑目怡顏。疊足而化。嗚呼。化緣有盡。示相無生。端然不壞之身。寂余歸真之性。惠衆雖乾於此界。法山復化於何方。峯雲慘澹以仞垂。衆鳥悲鳴而不散。學徒感極。瞻雁塔以銜哀。門客戀深。拜禪龕而雪涕。以當月二十有五。日諸山尊宿。四界道俗。送師入塔。壽齡八十六。僧臘六十六。香飄數里。坳振一隅。護法龍神。出虛空而閃爍。受戒陰騭。現髣髴之形容。其後諸國侯王。普天僧衆。聞師圓寂。覓致齋羞。而後一十七年。我皇帝應天順人。垂衣御極。順三靈而啓聖。紹四葉之耿光。大振堯風。中興佛法。至大寶六年。歲次癸亥。八月。有雄武軍節度推官阮紹莊。忽於夢中見大師在佛殿之上。天色明朗。以拂子招紹莊報云。吾在塔多時。汝可言於李特進。秀華宮使特進李托也。託他奏聞。爲吾開塔。紹莊應對之次。驚覺歷

然。是時李托奉勅。在韶州。於諸山門寺院。修建道場。因是得述斯夢。修齋事畢。迴京奏聞。聖上謂近臣曰。此師果圓滿坐化多年。今若託夢奏來。必有顯現。宜降勅命。指攜韶州都監軍府事梁延鄂。同本府官吏。往雲門山開塔。如無所壞。則奏聞。迎取入京。梁延鄂於是准勅致齋。然後用功開鑿。菩薩相依。稀旋覩蓮花香馥郁。先聞須臾。寶塔豁開。法身如故。眼半合而珠光欲轉。口微啓而珂雪密排。髭髮復生。手足猶軟。放神光於方丈。晃耀移時。興瑞霧於周迴。氤氳永日。卽道卽俗。觀者數千。靈異旣彰。尋乃具表奏聞。勅旨宣令李托。部署人船。往雲門修齋迎請。天吳息浪。風伯清塵。直濟中流。俄達上國。勅旨於岨嶮步駐泊。翊日左右兩街諸寺僧衆。東西教坊四部伶倫。迎引靈龕。入於大內。螺鈸鏗鏘於玉闕。幡花羅列於天衢。聖

上別注敬誠。賜昇祕殿。大陳供養。疊啓齋筵。排內帑之瓊珍。饌天廚之蘊藻。列砌之驪珠斛滿。盈盤之虹玉花明。浮紫氣於皇城。炫靈光於清禁。聖上親臨寶輦。重換法衣。謂侍臣曰。朕聞金剛不壞之身。此之謂也。於是許羣寮士庶。四海蕃商。俱入內庭。各得瞻禮。瑤林畔千燈接晝。寶山前百戲聯宵。施利錢銀。不可殫紀。以十月十六日。乃下制曰。定水澄源。火蓮發豔。夙悟無生之理。永畱不朽之名。萬象都捐。但祕西乾之印。一真不動。惟餘南祖之燈。韶州雲門山證真禪寺匡真大師。早契宗乘。洞超真覺。雖雙林示滅。十七年靡易金軀。隻履遺蹤。數萬年應迴葱嶺。朕顯膺麻數。續嗣丕圖。洎三朝而並切皈依。乃一心而不忘迴向。仰我師而獨登果位。在沖人而良所歎嘉。宜行封賞之文。用示褒崇之典。可贈大慈雲匡聖宏明大師。證真禪寺。宜昇爲大覺禪寺。重臣將命。胤奠伸儀。太常行禮於天墀。綸誥宣恩於雲陛。固可冥垂慈貺。密運神通。資聖壽於延長。保皇基於廣大。師在內一月餘日。聖澤優隆。七寶裝龕。六銖裁服。頒賜所厚。今古難倫。當月二十九日。宣下李托部署。却迴山門。有參學小師雙峯山長老廣悟大師。賜紫竟欽。溫門山感悟大師。契本雲門山上足小師應悟大師。常寶等。同部署真身到關。亦在內庭受供。恩渥異常。其諸上足門人常厚等四十餘人。各是章衣師號。散在諸方。或性達禪機。或名高長老。在京小師悟明。大師都監內諸寺。賜紫常一等六十餘人。或典謀法教。或領袖沙門。臣才異披沙。學同鑄水。虔膺鳳旨。紀實性以難周。愧匪雄詞。勒貞珉於不朽。乃爲銘曰。

於穆大雄。教敷百億。亭育二儀。提攜八極。不滅不生。無聲無色。卓尔神功。昭然慧力。其一化無不周。道無不

備。法既流分。教既布矣。爰示滅樂。歸乎妙理。實性真宗。枝分風靡。其二祖祖傳心。燈燈散燭。詮諦騰鑿。聖賢

交燭。種種津梁。門門杼軸。正覺廣焉。尋之不足。其三厥有寶林。重芳一葉。布無上乘。登無上檝。法炬臙臙。尼

珠煒燁。拯溺迷津。救焚塵劫。其四南北學徒。握衣朝夕。無醉不醒。無昏不釋。示其生焉。來彰慧績。示其滅焉。

歸圓真寂。其五湛然不動。塔韞寶光。玉毫彌赫。金相彌莊。時乎未矣。我則晦藏。時乎至矣。我則昭彰。其六爰於

明朝。現茲法質。如撥障雲。重舒朗日。瑞應皇基。福隆帝室。聖覽禎祥。恩頒洋溢。其七三翼沿沂。千里請迎。迎

來丹闕。設在三清。金銀羅列。瓊璧堆盈。俄生紫氣。潛覆皇城。其八日陳供席。夜奏笙歌。施億寶貝。捨萬綺羅。

神傾薜蔔。天降曼陁。前佛後佛。顯應斯多。其九明明聖君。仁仁慈主。聖比和風。慈同甘雨。祈與天長。教將地

固。勒之貞珉。永芳千古。其十維大寶七年。歲次甲子。四月丁未朔。列聖宮使。甘泉宮使。秀華宮使。翫華宮使。

開府儀同三司，行內侍監，上柱國臣李托，玉清宮使、德陵使、龍德宮使、開府儀同三司、行內侍監，上柱國武昌縣開國男，食邑三百戶，臣龔澄樞承旨建。右街大乾亨寺內殿供奉講論，兼表白意法大師，賜紫沙門，臣行修奉勅書。右龍虎軍控鶴將軍，陪戎副尉臣孔廷津，臣陳延嗣，臣鄧懷忠等鑄字，拓本。

右碑，今在乳源縣之雲門山，文偃唱道雲門，與臨濟滄仰曹洞法眼竝稱五宗，而此碑前人著錄無及之者。偃初住雲門之光泰禪院，劉龔賜號匡真大師，劉鋹大寶中追諡大慈雲匡聖宏明大師，五燈會元述師諡稱大慈雲匡真宏明，蓋誤合前後諡號為一。蘭修按十國春秋文偃傳誤同。又以光泰為光奉，亦傳寫之譌也。

睿聖文武隆德高明宏道大光孝皇帝，蓋鋹所上尊號，當據以補十國春秋之闕。守中文詞博瞻，行修書亦不俗，而十國春秋不錄其名氏，蓋志伊亦未見此碑也。潛研堂金石文跋尾。

碑云：於屠維作噩之歲，爾雅在己曰屠維，在酉曰作噩。四月十日，其日子時，瞑目怡顏，疊足而化。後一十七年，我皇帝陞

下中興佛法，大寶六年歲次癸亥八月，推官阮紹莊忽於夢中見大師，又載後主勅，雖雙林示滅，十七年廢易金軀云云。按雷嶽文偃塔銘亦云：己酉年卒，己酉為乾和七年，閱十七年為大寶九年丙寅，而碑立於大寶七年甲子，則後文偃死止十五年，與所稱十七年不相應。十國春秋亦云卒後十七年示

夢，蓋誤沿碑文也。南漢書考異。

蘭修按右碑在乳源縣雲門山。縣志所載，譌脫三四十字。今據拓本著錄，字多別體，大約皆有所本。如地作丕，本籀文。治作紉，本古文。閉作閉，臚作臚。本漢張遷碑。競作競。本東魏太公望碑。刹作刹。本梁元帝梁安寺刹下銘。

唐釋元應一切經音義云：刹，字書無，即刹字略也。據此知刹刹皆刻省。徐鉉說文新附有刹篆，繆也。北齊造丈八大像，唐啓法寺碑皆从刹。

海作槩。本北齊董洪

達造像銘。纏作纏。本隋龍藏寺碑。儒作儒。本隋默曹殘碑。載作載。本唐武后更造字。低作低。本武后御製石刻。熙作熙。本唐張嘉貞恆山碑。淵作淵。本唐李荆造石像記。鶴作鶴。本唐楚金禪師碑。莊作莊。本唐張琮碑。瓦作凡。本唐梁守謙功德銘。拯作拯。本唐聖教序。又勃漢書司馬相如傳作教。此作教。鑿唐化度寺碑作鑿。此作鑿。策唐段襄公神道碑作策。此作策。觀唐石壁字。鐵彌勒頌作觀。此作觀。踵謬沿譌。變本加厲。六書之旨蕩然矣。至曹溪作漕溪。或當時通用如此。如北齊雋修羅碑。稱長

安作葺安耳。又按嘉興縣唐屬蘇州。梁初改屬杭州。晉天福五年三月。此據吳越備史。王溥五代會要作天福三年十月。吳越文

穆王請於嘉興縣置秀州。此碑及雷嶽塔銘云。蘇州嘉興縣者。猶沿舊稱也。

東鐵塔記。存。

大漢皇帝以大寶十年丁口歲。勅有司。用烏金鑄造千佛寶塔壹所。七層。并相口蓮花座高二丈二尺。保龍口有慶。祈鳳麻無疆。萬方咸使於清平。八表永承於交泰。然後善資三有。福被四恩。以四月乾德節。設





鐵塔先於此塔四年亦非奉勅所造朱錫鬯謂劉鋹所鑄二塔竝立一屋中一作記一題名者誤也此塔題名六人惟所謂宮使者似是內侍之職餘皆沙門爾朱以為皆宦者亦誤潛研堂金石文跋尾

曝書亭集謂二塔竝立一屋一作記一題名又謂其皆宦者固誤粵東金石略云其列名皆沙門監造

而宦者惟澄樞一人今按西塔無沙門題名東塔宦官又止李托無澄樞名則金石略亦誤也梁廷相南漢文字略

蘭修按右塔銘後題銜通志與金石萃編互異今據拓本著錄舊志丁下是卯字相下是輪字龍下

是躬字今已缺使舊志作底則誤也題名多剝蝕南面東隅所書官階有軍容字金石文跋尾陽宮使

秀字華宮使使宮闈字番點檢字上將軍行內字開國伯食邑七百戶字考宋史李托傳中宗襲

位選內侍省充宮闈諸衛押番兼秀華宮使後主立改玩華宮使內侍監列聖景陽二宮使雲門山

碑李托書銜稱列聖宮使甘泉宮使秀華宮使玩華宮使開府儀同三司行內侍監上柱國並與此

結銜相合通志謂監造者即托是也陽宮上缺景字秀下缺華宮使玩四字宮闈下番點檢上缺諸

衛押三字行內下缺侍監二字均可據宋史托傳以補之其封爵食邑則托傳所未及也沙門題銜

者四人臣字下名皆剝落惟北面西隅臣下有道字可辨舊志臣下皆作監造二字非也

懿陵碑佚

陵山劉氏之墓也。在郡東北二十里。漫山皆荔子樹。龜趺石獸。歷歷具存。昔有發其墓者。其中皆以鐵鑄之。予嘗至此地。摩娑斷碑。不見始末。但見其詞。皆是葬婦人墓誌。考之僞史。疑是懿陵也。他尙有數處。如南海縣宣風鄉。及番禺黃陂。新會上臺。玉丫環髻山等皆有之。方信孺南  
海百詠

天華宮石刻。佚。

天華宮。在羅浮山之西南。漢主建有甘露羽蓋等亭。雲華閣。命中書舍人鍾有章作記。蘇軾東坡集

天華宮故址。左爲含陽門。右爲起雲門。刻石猶存。萬厯戊子。歐大任猶及見之。宋廣業羅浮山志會編

瑞像記。佚。

僞劉時。僧惠進作瑞像記。立於中開院殿側。輿地紀勝

蘭修按中開院在羅浮山。輿地紀勝云。隋開皇中。龍華寺僧惠善。發其地得銅瑞相一軀。後建中開

院以奉安之。

碧虛觀碑。佚。

菖蒲觀。在蒲澗東。今名碧虛。中有劉氏碑。東坡題名其上。南海百詠

韜真觀碑佚

出白沙洞而西。左右皆小峯相對。山北平疇。孤烟落照。茅茨篁竹間。始有人居。曰道村。其東南諸峯。間見層出。寒松古樾。蒼鬱杳藹。有洞掩映其間。曰韜真觀。中有石碣。記南漢時中官陳君所經營。及今近二百年。醮場道院故址。盡沒榛莽。左右二石室。其深四五尋。其一狹而長。捫壁度穴。直抵玉虛洞。後山而出。讀其碣云。巖洞多嵌空。或深數尺。遂積土以實之。予陋之曰。凡石以嵌空爲奇。政欲空所有。安可

實所無哉。吳元美  
十洞記

韜真觀在北流縣東北句漏山。南漢時建。明一  
統志

右南漢金石志二卷。國朝嘉應吳蘭修石華撰。按翁氏粵東金石略。謂竹垞記劉龔冢碑事。與王文簡皇華紀聞頗有錯互。竹垞稱陳元孝語予云云。則是竹垞既得自口傳。而元孝復出自記憶。無怪乎傳聞異詞矣。文簡亦曾晤元孝者。竊疑亦得自元孝口傳也。考蓮鬚閣集。有弔南漢劉氏墓賦。觀劉氏冢記。紀康陵碑。其最古者。則元孝所記憶。其又黎忠愍語乎。其錯互也宜矣。又南海百詠。謂陵山劉氏之墓也。龜趺石獸。歷歷具存。昔有發其墓者。其中皆以鐵鑄之。嘗至其地。摩挲斷碑。不見始末。見其詞皆是葬婦人墓志。考之僞史。疑是懿陵也。則僞劉亦踵曹瞞疑冢故智耶。又南海縣志金石略。有南漢隋羅尼石幢。□和三年。太歲乙巳。二月□□日□□□□陳十八郎。敬□造。乙巳爲南漢主劉晟乾和三年。此幢末紀年和字上。當是乾字。石在吳氏筠清館。又池北偶談。載南粵陸漢東鄉孝廉有小硯。是南漢劉銀宮中物。有銀宮人離非女子篆硯銘。孝廉死。子幼。此硯不知流落何所云云。似均當補入。又金石以款識爲重。此古今通例。故劉氏銅像鐵柱。並見南海百詠。均不錄。然考恭巖札記。謂元妙觀西院功德林。有僞南漢主劉銀。及二子銅鑄像。狀豪惡可憎。俗稱番鬼是也。又謂大城旣克。僞官咸遁。潘庫吏胥。竊庫鑰而逃。百計啓庫。鍵不可開。雖礮石攻之弗得。蓋庫門有雙鐵柱。係僞南漢時故物。後懸賞購鑰。有南海潘麥陳三姓。赴轅投獻。兩王悅。厚賞之。令三姓世爲庫吏。至今不替。則現存而衆著者。恐宜援阮通志金石略例。附載銅鼓銅柱而並錄之也。鐵柱。阮通志已附載。道光庚戌竹醉日。南海伍崇曜謹跋。



編主五雲王

編初成集書叢

種一他其及記石金川涇

中華民國二十五年十二月初版

發行人

王雲五  
上海河南路

印刷所

商務印書館  
上海河南路

發行所

商務印書館  
上海及各埠

\*D六八五六



33
14
1530